

ТОШКЕНТ ҲАҚИҚАТИ

1928 йил 11 декабрда асос солинган

Вилоят
ижтимоий-сиёсий
газетаси

2018 йил
28 март
ЧОРШАНБА

№ 25 (13078)

www.thtp.uz

АФҒОНИСТОН БЎЙИЧА ТОШКЕНТ ДЕКЛАРАЦИЯСИ ҚАБУЛ ҚИЛИНДИ

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ АФҒОНИСТОН БЎЙИЧА «ТИНЧЛИК ЖАРАЁНИ, ХАВФСИЗЛИК СОҲАСИДА ҲАМКОРЛИК ВА МИНТАҚАВИЙ ШЕРИКЛИК» МАВЗУСИДА ЎТҚАЗИЛГАН ХАЛҚАРО КОНФЕРЕНЦИЯДАГИ НУТҚИ

Пойтахтимизда 27 март куни "Тинчлик жараёни, хавфсизлик соҳасида ҳамкорлик ва минтақавий шериклик" мавзусида Афғонистон бўйича юқори даражадаги Тошкент халқаро конференцияси бўлиб ўтди.

Президентимиз Шавкат Мирзиёев ташаббуси билан ташкил этилган мазкур конференция жаҳон ҳамжамиятида катта қизиқиш уйғотди. Унда иштирок этиш учун мамлакатимизга Афғонистон Ислом Республикаси Президенти Муҳаммад Ашраф Ғани, БМТнинг Афғонистондаги махсус вакили Тадамити Ямамото, Европа Иттифоқининг ташки ишлар ва хавфсизлик сиёсати бўйича Олий вакили Федерика Могерини, шунингдек, АҚШ, Буюк Британия, Германия, Италия, Франция, Туркия, Россия, Хитой, Ҳиндистон, Эрон, Покистон, Қозоғистон, Қирғизистон, Тожикистон, Туркменистон, Саудия Арабистони ва Бирлашган Араб Амирликлари ташки сиёсат маҳкамалари раҳбарлари, жами 25 давлат ва халқаро ташкилот вакиллари ташриф буюрди.

Ўзбекистон Республикаси Президенти Шавкат Мирзиёев халқаро конференцияда нутқ сўзлади.

Давлатимиз раҳбари Ўзбекистон Республикаси ва Афғонистон Ислом Республикасининг биргаликдаги ташаббуси билан ўтказилган мазкур анжуман халқаро ҳамжамият томонидан Афғонистонда тинчлик ва барқарорликни таъминлаш бўйича олиб борилаётган амалий саъй-ҳаракатларнинг мантиқий давоми эканини таъкидлади.

Ер юзининг катта қисмида сўнгги 40 йилда афғон урушига у ёки бу даражада дуч келган авлодлар ўлғайди. Кимнингдир ўғли, кимнингдир қариндоши ёки қўшини бу адолатсиз уруш қурбонига айланди. Уруш олови қанчадан-қанча бегуноҳ одамнинг ёстиғини қуритди, унинг совуқ нафаси бошқа юртларга ҳам етиб борди, минглаб оилаларни пароканда, гўдакларни етим қилди. Шу боис "Афғонга кетибди" деган хабар юракларга кўрқув, хавотир олиб кирарди. Оталар ўғлининг афғонга ҳарбий хизматга кетганини кекса ота-онасидан яширар, ичидаги дардини билдирмасди. Оналар пана-панада жигарбандига соғлиқ-омонлик сўраб Яратганга ёлворар, йўл қарарди.

Ана шундай муҳитда ўлғайган болалар "афғонга олиб кетмасмикан", дея йиллар давомида хавотир билан яшади, ҳарбийга бормаслик чорасини қидирди. Орадан ўн йиллар ўтган бўлса-да, афғон муаммоси одамлар хотирасида қолдирган ваҳима ва кўрқув ҳали унутилгани йўқ.

Афсуски, афғон уруши йиллар ўтган сари жанг майдонларидан нархобизнес, терроризм, экстремизм каби кўзга кўринмас уруш ўчоқларига кўчди. Энди бу заминдаги нотинчлик ва зўравонликлар, ноҳақ қон тўкишлар дунёнинг барча минтақаларига таҳдид солар даражада кенгайди.

Агар Афғонистонда тинчлик ҳўм сурганда 2001 йил 11 сентябрь воқеалари бўлмасди, минглаб инсонлар террор қурбонига айланмасди. Бу юртда тинчлик-осойишталик бўлганда, диний экстремистик ҳаракатлар илдиз отмасди, дунёнинг турли минтақаларида нотинчлик оловини ёқаётган ёвуз кучлар, Ислом давлати деб номланган террорчилик ташкилоти пайдо бўлмасди. Гиёҳванд моддалар ва ноконуний қурол савдоси нафақат қўшни давлатлар, балки бутун дунё ҳамжамиятига таҳдид солмасди.

Давлатимиз раҳбари таъкидлаганидек, жафоқаш Афғонистон заминидан тўқнашувлар, "уруш олови" афғон халқининг ўз танлови эмас, аксинча, четдан тикиштирилган фитна натижасидир. Ана шу нотинчликдан афғон халқи ўн йиллар давомида жабр чекиб келмоқда, миллионлаб одамлар ўз уйини ташлаб олиб юртларда сарсон-саргардон бўлиб юрибди.

Давоми 2-бетда ➡

Ўзбекистон Республикаси Олий Мажлиси Сенати ўн тўртинчи ялпи мажлисининг очилиши тўғрисида

Ўзбекистон Республикаси Олий Мажлиси Сенатининг ўн тўртинчи ялпи мажлиси эртага – 2018 йил 29 март куни эрта-лаб соат 10.00 да Тошкент шаҳрида Ўзбекистон Республикаси Олий Мажлиси Сенатининг мажлислар залида очилади.

Ўзбекистон Республикаси Олий Мажлиси Сенати аъзоларининг диққатига!

Ўзбекистон Республикаси Олий Мажлиси Сенатининг аъзолари бугун – 2018 йил 28 март куни соат 9.00 дан 18.00 га қадар Ўзбекистон Республикаси Олий Мажлиси Сенати биносининг фойесига рўйхатга олинади.

ЧЎП СУҚСАНГ, КЎКАРАДИГАН ЕРИМИЗ БОР, лекин томорқа ерлардан – шундай катта резервлардан фойдаланмаяпмиз...

Президентимиз Шавкат Мирзиёев раислигида қишлоқ хўжалигини жадал ривожлантириш ва ислохотларни чуқурлаштириш бўйича ишлар натижадорлигига бағишлаб ўтказилган видеоселектор йиғилишида томорқа ерларга нисбатан қарашларимизни тубдан ўзгартиришимиз лозимлиги кўп бора таъкидланди.

Бугуннинг гапи

Юртимиз бўйлаб "Томорқага экин экиш" ойлги бошланди. Шу мақсадда Вазирлар Маҳкамасининг "Деҳқон хўжаликлари ва томорқа ер участкаларидан самарали фойдаланишни ташкил этиш чора-тадбирлари тўғрисида"ги қарори эълон қилинди. Вилоятимиз ҳокими "Аҳоли томорқа ер майдонларидан самарали фойдаланиш тизимини ташкил этиш чора-тадбирлари тўғрисида"ги махсус қарорни қабул қилди. Нега?

Жавобни давлатимиз раҳбарининг ўша йиғилишда қуюнчаллик

билан айтган гапларидан топамиз: "Чўп суқсанг, кўкарадиган еримиз, меҳнатсевар халқимиз бор. Лекин томорқа ерлардан – шундай катта резервдан фойдаланмаяпмиз!"

Сир эмас, кейинги йилларда даромадга, аниқроғи, бозорга қараб деҳқончилик қилишга ўтиб олди. Пиёз бир йил пул бўлса, ёппасига пиёз экишни бошлади. Ҳаммаёқни пиёз босиб кетади, меҳнатга яраша ҳам даромад бўлмайди. Қарам пул бўлиб қолса, ҳаммамиз қарамга ёпишдик, қарам бир пул бўлди. Натижада, ерга нописандлик

бошланди. Экилмади, экилса қаралмади.

Асл деҳқонлар экин-тикинларни фарзандларидай кўришади: экишади, "тарбиялашади", вояга етказишади, сўнг мевасини – "хузур-ҳаловати"ни кўришади.

Кулоғимизга: "Сабзи эккандим, ҳаво ёмон келиб, яхши бўлмади", "Йиғирма тонна картошка оламан, деб ўйлагандим, об-ҳаво паст келиб, керакли ҳосил ололмадик", "Баҳор серёғин келиб, қулупнай бўлмади", дегандай гаплар тез-тез чалиниб қолади. Ҳосил ўзи битмайди, пишмайди! Етиштирилади, пиширилади! Асл деҳқон, "Битмади, бўлмади, пишмади!" демайди. "Қўлимдан келмади, тажрибам етмади, ундиролмадим, етиштиролмадим!" деб дангалини айтади. Об-ҳаво деҳқон билан келишмайди, деҳқон об-ҳаво билан ке-

лишади! Аниқроғи, асл деҳқон об-ҳаво, ер билан сирлашади!

Келтирилган рақамлар билан танишиб, кўнглингиз ғаш тортиб кетади: "Ҳозирги кунда мамлакатимизда 4,5 миллиондан ортиқ хонадон бўлса, уларнинг 124 минг 474 таси томорқасидан самарасиз фойдаланаётгани ташвишланарлидир". Жумладан, виллоятимизда ҳам бундайнинг кўнгилсиз ҳолатини кузатиш мумкин. Масалан, Қибрай туманида 36 мингга яқин хонадоннинг 2 минг 517 гектар томорқаси бор. 170 гектар ерда 44 минг тоннага яқин сабзавот, мева ҳамда узум етиштирилади. Бу ҳосил етиштириш мумкин бўлган майдоннинг атиги 6-7 фоизи-ку! 686 та хонадонда қурилган иссиқхоналарнинг умумий майдони 20,5 гектарни ташкил қилади, ҳолос!

Пискент туманида 4 минг 530 та

хонадон эгаси 1 минг 113 гектар ортиқча ерга эгалиги аниқланди. Уларнинг 43 таси ҳокимлик, турли ташкилотларнинг раҳбарлари ва маҳалла фаоллариға тегишли эканлиги ачинарли ҳол. Аслида ҳужжатларда уларга 2,53 гектар ер ажратилган. Ўзбошимчилик билан 5,59 гектар майдонни эгаллаб олишган. Энг ёмони, ортиқча ажратилган 3,07 гектар ер майдонининг 0,90 гектари қаровсиз аҳволда.

Тарбиячининг ўзи тарбияланган бўлиши керак, дейдилар. Бошловчи ёки етакчилар ҳар соҳада ҳаммага намуна бўлмоқлари лозимдир. Маҳалла фуқаролар йиғини раиси ва унинг ўринбосарлигига ана шундай ибратли, қўнчилиққа туриш-турмуши билан намуна бўла оладиган инсонларни сайлаганимиз, деб ҳисоблардик. Амалда-чи?

Давоми 4-бетда ➡

Мактабгача таълим муассасалари: БЕҒУБОР КУЛГУЛАР ОШЁНИ

Маълумки, бола мактаб ёшига етгунча кўп нарсани ўрганади, бошқача айтганда, ҳар жиҳатдан шаклланади. Шундай экан, кичкинтойларимиз таълим-тарбиясига эътиборни янада кучайтиришимиз керак. Бу жараёнда мактабгача таълим алоҳида ўрин тутаяди.

Тухфа



Қобилжон ҒОҒУРОВ олган сурат

Президентимизнинг 2016 йил 29 декабрдаги "2017-2021 йилларда мактабгача таълим тизимини янада такомиллаштириш чора-тадбирлари тўғрисида"ги Қарори ижроси доирасида ушбу тизимни янада ривожлантириш, болалар боғчаларининг моддий-техник базасини мустаҳкамлаш, таъмирлаш ва янгиларини барпо этиш масалаларига алоҳида эътибор қаратилмоқда.

Тошкент тумани мактабгача таълим бўлими мудириси Лола Қорабоеванинг айтишича, жорий йил бу ерда ўн учта болалар боғчаси қурилиб, ишга туширилиши режалаштирилган. Куни кеча тумандаги "Кўҳи нур" ва "Файзобод" маҳалла фуқаролар йиғинлари ҳудудларида бунёд этилган мактабгача таълим муассасалари фойдаланишга топширилди.

– Боғчамиз олтимиш ўринга мўлжалланган, – дейди "Файзобод"да очилган янги даргоҳ мудириси Шохидат Абдуазимова. – Ўнга яқин малакали мутахассисни ишга жалб этганимиз. Тарбияланувчиларга рус ва инглиз тилларида ҳам машғулотлар ўтказилади. Мазкур замонавий мактабгача таълим муассасасида болажонлар учун барча зарур шарт-шароитлар яратилган. Хусусан, гуруҳлар учун алоҳида ўйин майдончалари, ётоқхоналар, машғулотлар ўтказиладиган хоналар, кичик кутубхона мавжуд.

"Кўҳи нур" маҳалласида

фаолият бошлаган болалар боғ-

часида яратилган шароитлар

ҳам бундан кам эмас.

Ҳолмурод САЛИМОВ,
"Тошкент ҳақиқати"
муҳбири



«УМИД НИҲОЛЛАРИ» АЗИМ ЧИНОРЛАРГА АЙЛАНАЖАК

Энг иқтидорли ўқувчи-спортчилар 21 спорт тури бўйича ўзаро беллашмоқда

Истиқлол йилларида спорт мамлакатимиз таълим тизимининг узвий бўғини, фарзандлар тарбиясининг муҳим воситасига айланди. Соғлом турмуш тарзи ёшларнинг кундалик ҳаётида тобора мустаҳкам қарор топаётгани самарасида улар ҳар томонлама баркамол вояга етмоқда. Айниқса, мамлакатимиз ёшлари учун аъънавий тарзда ўтказиб келинаётган уч босқичли спорт мусобақалари алоҳида ўрин тутаяди.

Мазкур ноёб тизимнинг дастлабки бўғини – умумтаълим мактаблари ўқувчилари ўртасидаги "Умид ниҳоллари" спорт мусобақалари ўғил-қизларда спортга меҳр уйғотиш билан бирга уларнинг ўз имконияту салоҳиятини намоён этишига кенг йўл очмоқда, ёшларни бир мақсад йўлида бирлашиб, баҳамжиҳат ҳаракат қилишга ўргатмоқда.

Таъкидлаш лозимки, ушбу мусобақалар йилдан йилга такомиллашиб, ўйинлар дастурига киритилган спорт турлари сафи кенгайиб бормоқда. Бу, ўз навбатида, халқаро майдонларда Ватанимиз шарафини муносиб ҳимоя қилиб келаётган мамлакатимиз олимияти заҳираларининг истеъдодли спортчилар билан мустаҳкамлашиб боришига замин яратмоқда.

Давоми 4-бетда ➡

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ АФҒОНИСТОН БЎЙИЧА "ТИНЧЛИК ЖАРАЁНИ, ХАВФСИЗЛИК СОҲАСИДА ҲАМКОРЛИК ВА МИНТАҚАВИЙ ШЕРИКЛИК" МАВЗУСИДА ЎТКАЗИЛГАН ХАЛҚАРО КОНФЕРЕНЦИЯДАГИ НУТҚИ

Бугунги анжуманимизда вакиллари иштирок этаётган давлатлар ва нуфузли халқаро ташкилотлар бу жафокаш мамлакатдаги вазиятни тинч йўл билан ҳал этишга кўмаклашишда муҳим роль ўйнашга қодир ва шундай бўлиши керак.

Яқин Шарқ ва Шимолий Африкадаги воқеалар оқибатида Афғонистондаги вазият маълум бир вақт давомида халқаро сиёсат эътиборидан четда қолди. Аммо бунинг натижасида мазкур моҳоро ўз кескинлиги ва жиддийлигини йўқотгани йўқ.

Ўзбекистонда халқаро конференция ўтказиш таклифи ва Афғонистонда тинчлик ва барқарорликни таъминлашга қаратилган саъй-ҳаракатларни бирлаштириш зарурати кўйилган омилилар билан боғлиқ.

Биринчидан, бизнинг ташаббусимиз Ўзбекистоннинг ташқи сиёсат концепциясига тўла мос келади. Бу концепцияда, аввало, қўшни мамлакатлар билан яхши қўшничилик, дўстлик ва ўзаро манфаатли ҳамкорлик муносабатларини мустаҳкамлаш устувор вазифа этиб белгиланган.

Иккинчидан, Ўзбекистон ва Афғонистон халқлари асрлар давомида ягона маданий-цивилизацион маконда яшаб келган.

Азал-азалдан Амударёнинг икки томонида ўзаро ўхшаш тиллар, умумий муқаддас дин ва муштарак маънавий қадриятлар бирлаштириб турадиган халқлар яшаб келмоқда.

Амударё биз ўчун ҳамisha тириклик манбаи бўлиб келган, аммо одамларнинг эркин ҳаракат қилишига, савдо алоқаларини яқиндан ривожлантиришга, илм-фан соҳасидаги ютуқлар билан ўртоқлашишга ва бир-бирини маданий жиҳатдан бойитишга ҳеч қачон тўсқинлик қилмаган.

Афғон заминидан Марказий Осиё Ўйғонинг даврининг Абу Райхон Беруний, Лутфий, Алишер Навоий, Камолдин Бехзод, Заҳриддин Муҳаммад Бобур, Бобораҳим Машраб каби буюк намояндалари ва бошқа кўплаб бизнинг улуг аждодларимиз яшаб ижод қилганлар.

Бугунги кунда Ўзбекистон ва Афғонистон ўртасида яқин сиёсий, савдо-иқтисодий ва маданий-гуманитар алоқалар йўлга қўйилган. Афғонистонда миллионлаб ўзбеклар яшайди. Афғонистон Конституциясига мувофиқ ўзбек тили мамлакатнинг расмий тилларидан бири ҳисобланади.

Учинчидан, барчамиз қатъий ишонамизки, хавфсизлик ягона ва бўлинмасдир ва уни фақат биргаликдаги саъй-ҳаракатлар билан таъминлаш мумкин. Биз хавф-хатарларнинг баъзи бирларини "Ўзимизники", бошқасини эса "бировники", деб қабул қилмаслигимиз керак, аниқроқ айтганда, бундай қилишга ҳақимиз йўқ.

Афғонистон хавфсизлиги – бу Ўзбекистон хавфсизлиги, бутун бепоян Марказий ва Жанубий Осиё минтақаси барқарорлиги ҳамда тараққиётнинг гаровидир.

Халқаро террористик ташкилотлар Афғонистонни ўзининг доимий маконига айлантириб олишига йўл қўйиб бўлмайди.

Тўртинчидан, Ўзбекистон Афғонистонда тинчлик ўрнатишга кўмаклашиш бўйича таҳрибага эга.

Ўзбекистоннинг ташаббуси билан 1999 йилда Тошкентда Афғонистонга қўшни давлатлар, Россия ва АҚШ ташқи сиёсат маҳкамалари раҳбарлари даражасида "6+2" гуруҳининг учрашуви бўлиб ўтган эди. Бу учрашувда Шимолий Иттифок ва "Толибон" ҳаракати вакиллари ҳам иштирок этган эди.

Музокаралар якуни бўйича Афғонистондаги низоларни тинч йўл билан бартараф этишнинг асосий принциплари ҳақидаги Тошкент декларацияси қабул қилинди ва у Бирлашган Миллатлар Ташкилоти Бош Ассамблеяси 54-сессияси ва БМТ Хавфсизлик Кенгашининг расмий ҳужжати айланди.

◀▶ Бошлангичи 1-бетда

Шу муносабат билан биз Афғонистон билан умумий келажғимиз, афғонистонлик биродарларимизни ҳам, бизни ҳам бирдек ташвишга солаётган масалалар ҳақида гапириш учун барча асосларга, сиёсий ва маънавий ҳуқуққа эгамиз.

Айнан мана шунинг учун ҳам Ўзбекистон бутун дунё мамлакатларини бизнинг бу эзгу ишдаги саъй-ҳаракатларимизни қўллаб-қувватлашга даъват этади.

Қадрли дўстлар!

Бугунги кунда Афғонистондаги вазиятни бартараф этиш бўйича кўп қиррали ва мурракб масалалар минтақа ва халқаро миқёсда кенг муҳокама қилинмоқда.

Бу ўринда Афғонистондаги ҳарбий-сиёсий инқирозни ҳал этиш йўлларини топшиш мақсадида ташкил этилган Кобул жараёни, Москва формати, Халқаро мулоқот гуруҳи, "Осиё юраги" деб номланган Истанбул жараёни, "ШҲТ – Афғонистон" мулоқот гуруҳи ва бошқа кўп томонлама муҳокама жараёнлари алоҳида диққатга сазовордир.

Ўзбекистон Кобул жараёни доирасидаги иккинчи мажлис иштирокчиларининг Афғонистон ҳукумати билан "Толибон" ҳаракатининг "олдиндан шарт қўймаслик ва куч ишлатиш билан таҳдид қилмаслик" асосида тўғридан-тўғри музокаралар ўтказишни бошлаш ҳақидаги қарорини қўллаб-қувватлайди. Аммо тинчлик сари ҳаракатнинг энг асосий шарти, бизнингча, аввало, минтақа ва глобал даражада келишилган, Афғонистон учун ягона кенг қамровли тинчлик дастурини ишлаб чиқиш ва амалга оширишдан иборатдир.

Шундан келиб чиққан ҳолда, бизнинг биргаликдаги саъй-ҳаракатларимизнинг асосий мақсад ва вазифалари қўйилганлардан иборат бўлиши лозим:

Биринчи – афғон муаммосини тинч йўл билан ҳал этишнинг асосий тамойилларини ишлаб чиқиш ва улар бўйича кенг ва қатъий халқаро консенсус – муроСага эришиш;

Иккинчи – Афғонистон ҳукумати ва қуролли муҳолифат ўртасида музокараларни бошлаш механизминини ишлаб чиқиш;

Учинчи – Афғонистонда миллий келишув жараёнига халқаро ҳамжамият томонидан кўмак бериш бўйича "йўл харитаси"ни ишлаб чиқиш.

Ва нисҳат, барча манфаатдор ташқи кучларнинг қуролли муҳолифатдан Афғонистон ҳукумати билан музокаралар столига ўтиришини, қарама-қаршилик ва ўзвонлиқча чек қўйишни қатъий ва бир овоздан талаб қилиш беқиёс аҳамият касб этади.

Бундан бошқа йўл йўқ. Бизнинг фикримизча, бугунги учрашувимизнинг бош гоёси шундан иборат.

Хурматли хонимлар ва жаноблар!

Афғонистондаги низолар ғоят мурракб ва қарама-қарши хусусиятга эга эканини, уларга турли кучлар жалб этилганини эътиборга олган ҳолда, шунингдек, БМТ Хавфсизлик Кенгашининг тегишли резолюциясидан келиб чиқиб, кенг қамровли тинчлик жараёнини учта ўзаро боғлиқ даражада амалга оширишни таъминлаш муҳим аҳамиятга эга, деб ҳисоблаймиз.

Афғонистон мамлакатли даражасида – марказий ҳукумат ва қуролли муҳолифатнинг асосий кучлари, биринчи навбатда, "Толибон" ҳаракати ўртасида олдиндан ҳеч қандай шарт қўймасдан, тўғридан-тўғри мулоқотни бошлашни таъминлаш зарур.

Томонларнинг бир-бирига нисбатан саволлари ва талаби бўлажак музокараларда муҳокама қилиниши мумкин.

Ўз-ўзидан равшанки, Афғонистон ичидаги сиёсий жараёнларни бошлашни энди орқага суриб бўлмайди. Бу жараёнини чўзиш яна кўплаб беғуно одамларнинг қурбон бўлишига олиб келади.

Тинчлик жараёнининг муваффақиятли бўлишини таъминлаш учун афғонистонликларнинг ўзларига ташаббус қўратиш, музокаралар қандай форматда, қачон ва қаер-

да олиб борилиши бўйича танлаш имконини бериш керак.

Бу ўринда гап, аввало, қуролли муҳолифат томонидан ҳам, Афғонистон миллий хавфсизлик кучлари томонидан ҳам жанговар ҳаракатлар олиб боришдан воз кечилиши ва ўт очишни тўхтатиш режимига сўзсиз риоя қилиниши ҳақида бормоқда.

Афғонистоннинг келгусидаги тинч тараққиёти учун умумий масъулиятни ҳис этган ҳамда ўзбек ва афғон халқининг азалий дўстлик алоқаларига таянган ҳолда, биз Ўзбекистон ҳудудида тинчлик жараёнларининг исталган босқичида Афғонистон ва "Толибон" ҳаракати ўртасида тўғридан-тўғри музокараларни ташкил этиш учун барча шароитларни яратиш беришга тайёремиз.

Муҳолифат тинч музокараларда иштирок этадиган ва миллий келишувга эришилган тақдирда Афғонистоннинг сиёсий ҳаётига муҳолифатнинг интеграциялашуви учун барча шароитларни яратиш зарур бўлади.

Қуролли муҳолифат вакиллари, жумладан, толиблар ҳам афғон жамиятининг бир қисми ва Афғонистон фуқаролари сифатида ўз мамлакатли келажғини белгилаш учун овоз бериш ҳуқуқига эга.

Бу борада мамлакатда парламент ва президентлик сайловларига бўлган даврда афғонлар ўртасида ўзаро мулоқотни бошлаш ва шу тариқа жамиятининг барча қатламлари, жумладан, муҳолифатдаги кучларга ҳам янги Афғонистон давлатини қуришда тўлақонли иштирок этиш учун кенг имкониятлар яратиш ғоят муҳимдир.

Минтақавий даражада – аввало Покистон, Ҳиндистон, Эрон, Туркия, Саудия Арабистони, Бирлашган Араб Амириклари, Қатар ва Марказий Осиё давлатларининг қўллаб-қувватлаши билан томонлар ўртасида мустаҳкам қелишувни таъминлашга эришиш зарур.

Афғонистонда иқтисодий ривожланиш, хавфсизлик ва барқарорликни таъминлаш билан боғлиқ бир қатор жиддий муаммоларни ҳал этиш кўп жиҳатдан унга қўшни бўлган давлатларга, бизнинг эзгу хоҳиш-иродамиз, қатъий қароримиз ва бу мамлакатда миллий ярашуви таъминлаш, ўзвонлиқча барҳам беришда фаол иштирок этишга қанчалик тайёр эканлимизга боғлиқлигини, ўйламанки, ҳаммамиз яхши тушунамиз.

Барча қўшни ва ҳамкор мамлакатларнинг саъй-ҳаракатлари бир-бирини тақрорламаслиги, балки тўлдириши керак. Биз бу муаммони ҳал этиш бўйича ўзаро келишилган чора-тадбирлар, ёндашув ва механизмларни ишлаб чиқишимиз зарур.

Шу йилнинг январь ойида БМТнинг Хавфсизлик Кенгаши йиғилишида БМТ Бош қотиби Антониу Гутерриш жаноблари таъкидлаганидек, минтақавий ҳамкорлиқнинг янги жадал суръатлари "умумий, аллақачон пишиб етилган ва долзарб вазифаларни ҳал этиш бўйича барчамизнинг олдимизда катта имкониятлар очади".

Биз энди Афғонистонга унинг ҳудудидан тинчлик ва барқарорлиққа таҳдид солмайдиган давлат сифатида қарай болашимиз керак. Афғонистон – бизнинг дўстона ҳамкоримиз ва қўшнимиздир.

Ишонаманки, Афғонистонни қўшни мамлакатлар билан савдо-иқтисодий, транспорт-коммуникация ва маданий-гуманитар алоқалар тизимига жалб этиш бўйича умумий саъй-ҳаракатларимиз бу мамлакатдаги вазиятни барқарорлаштириш ва уни тинч ҳаётга қайтариш жараёнига сезиларли ҳисса қўшади.

Ҳеч шубҳасиз, охир-оқибатда афғон заминда тинчлик ўрнатилиши бепоян Евроосиё қутбасидаги барча давлатлар учун янги имкониятлар очади ва реал наф келтиради. Бу умумий хавфсизлик ва барқарорликни мустаҳкамлаш, автомобиль ва темир йўллари қуриш, табиий ресурсларни ташйидиган қувурлар ўтказиш, минтақавий ва трансминтақавий савдо-сотиқнинг ри-

вожланиши учун қўлай шароитлар яратади.

Имкониятдан фойдаланиб, Афғонистоннинг ижтимоий-иқтисодий тикланиши учун Ўзбекистон имкон даражасида ҳисса қўшаётганини қайд этмоқчиман.

Биз 2002 йилдан буюн Афғонистонга электр энергияси етказиб бермоқдамиз. Сурхон – Пули – Ҳумри янги электр тармоғининг ишга туширилиши билан Ўзбекистондан Афғонистонга электр энергияси етказиб бериш ҳажми кескин ортади.

Биз биргаликда яна бир стратегик лойиҳани амалга ошириш таклифини илгари сурмоқдамиз. Бу ўзбек мутахассислари томонидан қурилган ва ҳозирги кунда фаолият кўрсатаётган Ҳайратон – Мозори Шариф темир йўлини Хиротгача давом эттириш лойиҳасидир.

Бу лойиҳа Афғонистон иқтисодиётини тиклаш учун аниқ ва амалий ҳисса бўлиб қўшилади, янги иш ўринларини яратади ва мамлакатнинг транзит салоҳиятини оширади.

Трансафғон транспорт-коммуникация лойиҳалари бўйича ишларнинг шу каби катта аҳамиятга эга бўлган "Ўзбекистон – Туркменистон – Эрон – Уммон" ва "Ўзбекистон – Қирғизистон – Ҳитой" каби бошқа минтақавий лойиҳалар билан узвий боғлиқ ҳолда бошланган Шимолдан Жанубгача ҳамда Шарқдан Ғарбгача бўлган барча йўналишларда қўйталаро транспорт коридорларини энг қисқа йўллар билан ривожлантириш учун зарур шароитлар яратади.

Гуманитар алоқалар фаол ривожланмоқда. Шу йилнинг январь ойидан бошлаб Афғонистонга чегарадош Термиз шаҳрида махсус ташкил этилган Афғон фуқароларига таълим бериш маркази иш бошлади. Ҳозирги кунда бу масканда 100 нафарга яқин афғонистонлик йигит-қизлар таълим олмоқда.

Биз мазкур марказда афғон мутахассисларини тайёрлаш бўйича ихтисослик ва йўналишлар соҳини кенгайтиришни режалаштирмоқдамиз.

Глобал даражада – дунёнинг етакчи, буюк давлатлари ва донор ташкилотлар томонидан Афғонистондаги тинчлик жараёнлари принципал жиҳатдан сиёсий қўллаб-қувватланиши ва мамлакатнинг ижтимоий-иқтисодий тикланиши учун молиявий ёрдам қўрсатилишини таъминлаш зарур. Уларнинг ёрдами туфайли мамлакат тинч ривожланиш йўлига ўтди. Бугунги Афғонистон – бундан олғи йилгирма йил олдинги мамлакат эмас.

Очиқ демократик сайловлар ўтказилган пайтдан бошлаб бу юртда давлат қурилишининг янги даври бошланди, оддий афғон фуқаролари ҳаётида ижобий ўзгаришлар кўзга ташланмоқда. Мамлакат ҳукумати аҳолини таълим ва соғлиқни сақлаш хизмати билан кенг қамраб олишга муваффақ бўлди. Буларнинг барчаси афғон халқининг тинч-осойишта ҳаёт ва тараққиёт сари интилаётганидан далолат беради.

Яқин икки йил ичида Афғонистонда муҳим сиёсий воқеалар – парламент ва президентлик сайловлари ўтказилиши кутилмоқда. Бу воқеалар мамлакат барқарор демократик тараққиёт йўлидан изчил илгарилаб бораётганининг тасдиғи бўлиши лозим.

Хурматли дўстлар! Барчамиз бир ҳақиқатни англаб олишимиз зарур: биз бугун факатгина Афғонистоннинг келажғи учун эмас, балки умумий хавфсизлигимиз, терроризм, фанатизм ва ўзвонлиқдан холи дунё учун курашмоқдамиз.

Биз ўтмишдаги хатоларни тақрорламаслигимиз керак. Умумий масъулиятимизни доимо ёдда тутишимиз лозим.

Афғонистонда тинчликка эришиш вазифаси бугунги кунда глобал хавфсизлик ва тараққиёт учун том маънода мисли қўрилмаган хатарга айланган терроризм ва экстремизмга қарши курашишга қаратилган саъй-ҳаракатлар билан узвий боғлиқдир.

Бизнинг қатъий ишончимизга кўра, барча ташқи кучлар афғон ҳукуматининг Афғонистонда хорижий террористик ташкилотларнинг базаларини йўқ қилиш борасидаги саъй-ҳаракатларини сўзсиз қўллаб-қувватлаш, ҳеч қандай фарқларга қарамасдан, терроризмни молиявий ва моддий-техник қўллаб-қувватлашнинг олдини олиши ўта муҳим аҳамиятга эгадир.

Ўзбекистон терроризм, экстремизм ва радикализм мафқурасига қарши кураш борасида ҳамisha принципиал позицияга эга бўлиб келган.

Бундай хавф-хатарларга қарши фақат куч ишлатиш усуллари билан эмас, балки биринчи навбатда, айниқса, ёшлар ўртасида, ўзвонлиқни келтириб чиқарадиган жаҳолатга қарши маърифат билан курашиш лозим.

Ўтган йили Бирлашган Миллатлар Ташкилоти Бош Ассамблеясининг 72-сессиясида Ўзбекистон Ёшлар ҳуқуқлари тўғрисидаги халқаро конвенцияни ишлаб чиқиш ва қабул қилиш таклифини илгари сурган эди. Бизнинг асосий мақсадимиз – ёшларнинг сифатли таълим олиш имкониятига эга бўлишига эришиш, уларнинг ўз қобилияти ва истеъдодини рўйбга чиқариши учун барча зарур шароитларни яратиш беришдан иборат.

Биз барча хорижлик ҳамкорларимизга ислом динининг инсонпарварлик моҳиятини аҳоли ва айниқса, ёшларга тушултириш йўлида яқин ҳамкорликда иш олиб боришни тақдиф этамиз.

Ўйлаيمانки, бу борада Ўзбекистонда ташкил этилган Имом Бухорий номидаги халқаро илмий-тадқиқот маркази, Ислам цивилизацияси маркази ва Ўзбекистон Ислам академиясининг имкониятларидан фойдаланиш мақсадга мувофиқ бўлади.

Шунингдек, биз ташаббус тариқасида Афғонистонда таълимни қўллаб-қувватлаш бўйича махсус халқаро фонд ташкил этишни тақдиф қиламиз.

Бундан қўланадиган асосий мақсад – мамлакатда талаб катта бўлган соҳалар бўйича миллий кадрлар тайёрлаш, истеъдодли талабалар ва ёш олимлар учун стипендия ва грантлар ажратиш борасида афғон томонига кўмаклашишдан иборат.

Бизнинг қатъий ишончимизга кўра, жамиятда таълимнинг нуфузини ошириш ва ёшларнинг камолотга интилишини рағбатлантириш – бу барқарор ва изчил тараққиётга эришиш кафолатидир. Буларнинг барчаси, ҳеч шубҳасиз, унинг-ўсиб келаётган ёш авлодни ўзвонлиқ ва радикализм мафқурасидан ҳимоя қилишда ёрдам беради.

Хурматли форум қатнашчилари!

Ишончим қомил, ушбу конференциянинг ўтказилиши, амалий руҳдаги мулоқот ва мунозаралар, шунингдек, яқуний Тошкент декларациясининг қабул қилиниши Афғонистонда тинчлик ўрнатиш бўйича амалий жиҳатдан ижобий натижаларга эришиш имконини беради ва тинчлик жараёнининг ўзига хос "йўл харитаси"га айланади.

Моҳият эътиборига кўра сизларнинг ёрдамингиз билан афғон муаммосининг энг муҳим жиҳатлари бўйича барча манфаатдор томонларнинг сиёсий иродаси ва ўзаро англашуви ўзида акс эттирадиган ҳужжат қабул қилинади.

Афғонистоннинг келажғи халқаро ҳамжамиятнинг барчамиз учун умумий бўлган таҳдид ва хатарларга қарши курашишга оғир эканини кўрсатадиган мисолга айланиб қолмаслиги лозим.

Бугун барчамиз бирлашиб, жафокаш Афғонистон халқига тинчлик ва тараққиёт йўлида ёрдам қўлини чўзишимиз, уни қўллаб-қувватлашимиз ҳар қачонгидан ҳам муҳимдир.

Барча конференция иштирокчиларига чин қалбидан самарали иш олиб боришларини тилайман!

Эътиборингиз учун раҳмат.

АФҒОНИСТОН БЎЙИЧА ТОШКЕНТ ДЕКЛАРАЦИЯСИ ҚАБУЛ ҚИЛИНДИ

Бу заминдаги кескинлик Марказий Осиё мамлакатлари жаҳон иқтисодиётининг фаол интеграция жараёнлариди иштирокига салбий таъсир кўрсатмоқда. Мисол учун, тинч Афғонистон савдо-иқтисодий, транспорт-логистик имкониятлари билан Ўзбекистонга бошқа минтақаларга денгиз орқали қисқа йўл билан чиқиш имконини беради.

Халқимизда "Бир кун жанжал бўлган жойдан қирқ кун барака қонади", деган нақл бор. Афғонистонда қарийб 40 йилдан буюн давом этиб келаётган моҳоро афғон халқининг ҳаётини ўнлаб йиллар орқага суриб ташлади. Бу ҳудудда пайдо бўлган инқироз, аҳолининг қашшоқлашуви дунё ҳамжамиятидан аллақачон глобаллик касб этган ушбу муаммага биргаликда амалий ечим топишни тақозо қилмоқда. Шу мақсадда кейинги йилларда қатор лойиҳалар амалга оширилди, мулоқот гуруҳлари ташкил этилди.

Ўзбекистон 2017 йилда Афғонистон муаммосини ҳал этиш бўйича ўтказилган турли форматдаги халқаро ва минтақавий анжуманларда, жумладан, кенгайтирилган таркибдаги Москва учрашуви (апрель), "Кобул жараёни" (июнь), Афғонистон Ислам Республикасида оид минтақавий иқтисодий ҳамкорлик конференцияси (Ашхобод, ноябрь), "Осиё юраги – Истанбул жараёни" (Боку, ноябрь-декабрь) ва Халқаро мулоқот гуруҳи йиғилишида (Осло, декабрь) юқори даражада қатнашди.

Давлатимиз раҳбари БМТ Бош Ассамблеясининг 72-сессиясида Афғонистондаги вазиятни барқарорлаштириш бўйича Ўзбекистон позициясини баён қилди, бу борада аниқ тақдирлар билдирди. Ноябрь ойида Самарқанд шаҳрида БМТ шафелигидега ўтган "Марказий Осиё: ягона тарих ва умумий келажак, барқарор ривожланиш ва тараққиёт йўлидаги ҳамкорлик" мавзусидаги халқаро конференцияда Афғонистоннинг минтақавий иқтисодий жараёнларга қўшилиши йўлидаги ташаббуслар илгари сурилди.

Ўзбекистон ва Афғонистон Президентларининг олий даражадаги учрашувларида мамлакатимизнинг бу бора-

◀▶ Бошлангичи 1-бетда

даги ижобий позицияси ўзаро манфаатли келишувлар орқали янада мустаҳкамланди.

Президентимиз ташаббуси билан ташкил этилган мазкур форум ўз формати ва Афғонистон муаммоси бўйича аниқ ечимлар топишга қаратилгани билан илгариги халқаро анжуманлардан фарқ қилади. Шу боис уни ўтказиш ташаббуси дунё ҳамжамияти томонидан кенг қўллаб-қувватланди. Нуфузли халқаро ташкилотлар, сиёсатшунослар ва экспертлар томонидан Афғонистонда тинчлик ва хавфсизликка эришиш, шу орқали нафақат Марказий Осиё, балки унга туташ минтақаларда тинч тараққиётни таъминлашга хизмат қилувчи мазкур конференция афғон халқининг муаммоларини ҳал қилиш бўйича аниқ тақдирлар илгари сурилиши билан амалий аҳамиятга эга, деган фикрлар билдирилди.

Жумладан, Афғонистон Ислам Республикаси Президенти Муҳаммад Ашраф Ғани Афғонистонда тинчлик ва хавфсизликни таъминлаш йўлидаги Ўзбекистон ташаббуси ғоят қадрли эканини таъкидлади.

Европа Иттифоқининг ташқи ишлар ва хавфсизлик сиёсати бўйича Олий вакили Федерика Могерини ўз нутқида Афғонистондаги вазиятни барқарорлаштиришга оид ташаббусни қўллаб-қувватлашини, бу масала Европа Иттифоқининг доимо эътиборида туришини қайд этди.

Мазкур форумга Бирлашган Миллатлар Ташкилоти томонидан ҳам катта қизиқиш билдирилди. БМТ Бош қотиби Антониу Гутерриш конференция иштирокчиларига видеомурожаат йўллаб, ушбу анжуман Афғонистонда тинчликка эришиш йўлида алоҳида аҳамиятга эга эканини таъкидлади.

Бўка туманидаги "Равот" маҳалласи раиси Хурсандмурод Хусановни тажрибали, узоқни кўра оладиган, ибратли ишлари билан кўпчиликини ортидан эргаштира оладиган раҳбар, намунали оила бошлиғи, деб билардик. Шунинг учун эл у кишини ҳамisha тўйнинг тўрида кўрарди. Ҳамқишлоқлари кўрса-кўргудек, ҳавас қилса арзигулик боғлар

ётган катта ислохотлар, ободонлаштирилган хабардор, хонадонини ҳам яшатиб қўйгани шубҳасиз, деб ўйладик-да! Афсус... Собиржон ака ободонлаштирилган ҳақида радиога эшитган, газетада ўқиган, телевизорда кўрган экан-у, уни хонадонидан кўлаш эсига келмаган экан! Тўрт сотихдан ортиқ, кетмонсоппини суқиб қўйсаниз уч кунда

маслаҳатчиси Гулнора Эргашева, посбони Раҳматжон Эсоналиев, Бекобод туманидаги "Беҳшуд" маҳалла раиси Баҳодирхон Русамжонев, йиғин котиби Дилшод Мамадалиев, "Фарҳад" маҳалласи раиси Турдали Мамадалиев, "Парнавоз" маҳалласи раиси Абдуманнон Қўшдавлатов, шу йиғин посбони Эркинжон Аҳмедов, "Пасткиероит" маҳалласи мас-

шаҳар мутасадди раҳбарларидан бирортаси хонадонимизга бош суқанмиди? "Аҳволинг қалай? Қандай яшайсан?" деб ҳеч бўлмаса қизиқиб кўрганмиди? Дангалини айтиш керак – йўқ! Бормисиз, йўқмисиз, бундан ҳам хабарсиз эдилар. Эндиги аҳволни кузатинг. Туманларда мутасадди ташкилотлар вакилларида иборат ишчи гуруҳлари ту-

бола-чақангиз учун ишлайсиз – яна имтиёзларга эга бўласиз. Яна дангалини айтиш лозим: бунақаси бўлмаган! Агарда бунинг акси, яъни, томорқасига белгиланган экин, мева, манзарали дарахтлар экмаган, чорва моллари сотиб олмаган, иссиқхона барпо этмаган, ободонлаштирмаган ер эгаси белгиланганидан уч баробар солиқ тўлайди. Деҳқон ҳўжалиқларига нисбатан эса, ерга бўлган ҳуқуқни қонун ҳужжатларида белгиланган тартибда бекор қилиш бўйича чоралар кўрилади.

Тўппа-тўғри қилинади. Берилган имтиёزلардан фойдаланмай, қачонгача боқиманда, дангаса бўлиб яшаймиз?

"Томорқа" сўзига ўзбек тилининг изохли лугатида, "Уй-жой ёки кўрган атрофида фойдаланиш учун берилган майдон", деб таъриф берилади. Кўпчилигимизга эса, томорқа – томининг орқаси бўлиб қолди. Улуғ неъмат – ер увол бўлмоқда.

"Ер – Оллоҳ томонидан инсонга берилган тенгсиз неъмат", дейдилар. Унинг ҳар бир қаришдан унумли фойдаланганимиз фарз саналади.

Тўғри, биз томорқаларимизни сотиб олмаганимиз, давлат берган. Аммо ер олдимки, ўзимизни эр деб билсак, унинг аҳволига маймун йиғламасин!

Санд МУҚИМОВ,
"Тошкент ҳақиқати"
мухбири

ЧЎП СУҚСАНГ, КЎКАРАДИГАН ЕРИМИЗ БОР, лекин томорқа ерлардан – шундай катта резервлардан фойдаланмаяпмиз...

яратгандир, экинлар экандир, деб Хурсандмурод аканинг томорқасига йўл олдик. Томорқага кириб, кўчадаги гап, рўзгорга тўғри келмаганидан, "Мулла-нинг қилганини қилма, айтганини қил!" деган мақол ёдимизга тушди: баҳорнинг деярли илк ойи ўтган бўлса-да, яқин тўрт сотих келадиган ерга биров бир кетмон урмабди. Ўтган йили экилган маккажўхориларнинг поялари уч-тўрт жойда солдатдай қотиб турибди. Атрофида беш-олтита мол-қўйлар гагизган дарахтлар... Ҳафсамаиз пир бўлиб, катта бир корхонанинг раҳбари – мўқобил машина-трактор парки раиси Собиржон Жумабоев хонадонига йўл олдик. Бир қанча одамга бош, ортидан эргаштиради, юртимизда бўла-



барг ёдирворадиган ер қўриққа айланиб ётибди-да! Ақалли "ер ағдариб" ҳам қўймабди! Бундай хонадонлар битта бўлса экан, ранжимасдик. "Рамадон" маҳалласи раиси Анвар Мусакулов, "Бўстон" маҳалла раиси Моҳира Сулаймонова, маҳалла

сингари эл-юрт бошида турганлар – кўпчиликка намуна бўлиши лозим бўлган инсонлар ўзларига тегишли томорқаларни қаровсиз ахволга ташлаб қўйганини қандай изохлаш мумкин? Дўппини ерга қўйиб ўйлаб кўрайлик: шу пайтгача туман ё

лаҳатчиси Мақсуда Бобоёрова, посбони Пулат Ёрқулов, "Қўштамғали" маҳалласи раиси Одиб Норжигитов, "Ўзбекистон" маҳалласи маслаҳатчиси Турдинисо Бердикулова, "Уриқзор" маҳалласи котиби Баҳром Тожикулов

зилди. Гуруҳ аъзолари хонадон-ма-хонадон юриб, Президенти-миз талабини томорқа эгалари ва деҳқон ҳўжалиқлари томонидан бажарилиши мониторингини амалга ошираяпти. Мониторинг экиш ва парваришlash, ҳосил йиғиш даврлари – март-апрель, август-сентябрь, ноябрь-декабрь ойларида ўтказилади. Унинг натижасига кўра, экин ерларидан мақсадли ва самарали фойдаланиб, белгиланган экин турларини тўлиқ эккан, агротехника тadbирларини ўз вақтида, сифатли бажарган, йилида камида икки ёки уч марта юқори ҳосил олган ҳамда томорқасини ободонлаштирган, чорва моллари ва паррандаларнинг сонини кўпайтирган томорқа эгасига солиқ имтиёзлари бериладиган бўлди.

Ўз томорқангизда ўзингиз,

◀ Бошланғич 1-бетда

КИТОБ – ЎҚУВЧИГА ДЎСТ

"Nop World" халқаро рейтинг агентлиги маълумотларига кўра, дунёда одамлар ҳафтасига 16,6 соат вақтни телевизор кўришига сарфласа, 8,9 соатни компьютер қаршида ўтказар, атиги 6,5 соатини мутлоага ажратар экан.

Мутлоа

Бўлиши мумкин. Чет давлатларда шундай-дир. Аммо, бизда бунинг акси, дея айта оламиз. Сўнгги йилларда китоб мутлоасига қаратилётган эътибор самараси ўлароқ, бугун ёшларимиз орасида китобхонлар сафи сезиларли даражада ошди. Ҳақиқатан ҳам, китоб – мўъжиза. У илму маърифат манбаи, тафаккур маҳсулидир. Айниқса, унинг ёш авлод тарбиясидаги ўрни беқиёс. Бинобарин, яхши китоб ўқувчига билим ва ахборот беради, унинг маънавий оламини бойитидади. У, ҳатто, энг қийин саволларга жавоб топишда беминнат дўстдир.

– Китобхонликини оммалаштириш мақсадида мактабимизда турли тadbир ва танловларни доимий уюштирамиз, – дейди Зангиота туманидаги 1-умумтаълим мактаби директори вазифасини бажарувчи Ботир Аҳмедов. – Негаки, жамиятда китобхонлигининг ўсиши, аввало, ўғил-қизларимизнинг маънавий, ахлоқий юксалишини таъминлайди. Ўз навбатида, бу халқимизнинг интеллектуал салоҳияти ўсишига, ҳар бир соҳадаги тараққиётга хизмат қилади.

Мактабда ўқув йили бошида старт берилган "Энг фаол китобхон" танлови ғолиблари ҳар чорак якунида рағбатлантириб борилад экан. Танлов шартларига кўра, ўқувчилар ўзлари ўқиган бадий асарлардан парчалар, ёд олган ғазал, рубойларидан айтиб беришлари керак. Биринчи чорак якунларига кўра, 7-синф ўқувчиси Аяқўз Тўрабекова, 2-чоракда 9-синф ўқувчилари Зарина Холмуродова, Билолиддин Кутбиддинов, 3-чоракда эса Мадина Тожаҳмедова "Энг фаол китобхон" дея эътироф этилди.

Шуни айтиш керакки, мактаб жамоаси яна бир хайрли ишга қўл урбди. Раҳбарият ва ходимларнинг савий-ҳаракати билан энди ҳар бир хонада синф кутубхоналари ташкил этилибди. – Бу тақлифни ўқувчилар катта иштиёқ билан қарши олдилар, – дейди директор. – Икки-уч кун ичида хоналар турли-туман китобларга тўлиб кетди. Мухими, ўқувчилар дарсдан кейин шу ерда китоб ўқиб, бир-бирлари билан фикр алмашаяптилар, билганларини ўртоқлашяптилар. Бир кунги уйга кетар чоғим хоналарни айланиб чиқарканман, шовқин-суронни эшитдим. Билсам, 7-синф ўқувчилари ўзаро баҳрибайт айтишяётган экан. Хурсанд бўлдим. Аслида, кутубхоналарни ташкил этишдан кўзланган мақсад ҳам шу эди...

Ирода НОРОБОВА,
"Тошкент ҳақиқати" мухбири

Маълумки, умумтаълим мактабларининг спорт мусобақаси сифатида ҳар уч йилда бир маротаба ўтказилган "Умид ниҳоллари" 2002-2012 йиллар давомида спортнинг 12 тури бўйича ташкил этилган эди. 2015 йилга келиб, бу ўйинлар барча вилоятларда 17 та спорт йўналишида "Ёшлик ва спорт байрами" сифатида ташкил этилди. Энди "Умид ниҳоллари" спорт ўйинлари дастурига миллий спорт турлари – кураш, белбоғли кураш, ўзбек жанг санъати ва турон яккакураши қўшилди.

Вилоят Халқ таълими, Жисмоний тарбия ва спорт бошқармалари, Ёшлар иттифоқи вилоят Кенгаши ҳамкорлигида ташкил этилган "Умид ниҳоллари" 2018 спорт мусобақасининг ҳудудий босқичларига Ангрен, Олмалик, Охангарон, Бекобод, Чирчик, Янгийўл, Бекобод шаҳри, Пискент, Бекобод, Бўка, Қибрай, Чиноз, Зангиота, Тошкент тумани мезбонлик қилди.

Ёшлик, бирдамлик ва спорт байрамининг бу босқичида спорт билан мунтазам шуғулланиб келаётган ва дастлабки саралаш беллашувларидан муваффақиятли ўтган уч минг нафарга яқин ўқувчи-спортчилар футбол, баскетбол, волейбол, гандбол, эркин ва юнон-рум кураши, таэквондо ВТФ, оғир атлетика, енгил атлетика, бадминтон, стол теннис, бокс, сузш, спорт гимнастикаси, бадий гимнастика, дзюдо, шахмат, кураш, бел-

боғли кураш, ўзбек жанг санъати ва турон яккакураши бўйича мусобақанинг финал йўлланмаси учун ўзаро рақобатлашди.

Қизгин ўтган спорт ўйинларида ўз маҳорати ва истеъдодини намоён қилган ёшлар мусобақанинг якуний – вилоят босқичига йўлланма олди.

– Бир неча йилдан буён

лаётган вилоятимиз боксчилари – Фазлиддин Ғойибназаров ва Элнур Абдураимовга ҳавас қиламан. Мен ҳам келажақда, халқаро мусобақаларда юртимиз шарафини муносиб ҳимоя қилиб, Ватанимиз шухратини юксалтиришга ўз ҳиссамни қўйиш орзусидам.

"Умид ниҳоллари – 2018" спорт ўйинларининг ҳудудий

«УМИД НИҲОЛЛАРИ» АЗИМ ЧИНОРЛАРГА АЙЛАНАЖАК

Энг иқтидорли ўқувчи-спортчилар
21 спорт тури бўйича ўзаро
беллашмоқда



бокс билан шуғулланаман, – дейди зангиоталик ёш спортчи А. Исмоилов. – "Умид ниҳоллари – 2018" мусобақасининг вилоят финал босқичига йўлланма олганидан хурсандман. Ўзбек бокс мактаби дунёда энг кучлилардан ҳисобланади. Жаҳон майдонларида юқори натижаларни қайд этиб ке-

боксчиларида муваффақият қозонган ўқувчилар бугун Олмалик ва Бекобод шаҳридаги спорт иншоотларида бўлиб ўтадиган финал босқичларида иштирок этади.

Зоҳир ТОШХЎЖАЕВ,
"Тошкент ҳақиқати"
мухбири
Мансур ҲИММАТОВ
олган сурат

Ҳавас

ИДРОДАН ФУТБОЛ МАЙДОНИГА

Жамиятда соғлом турмуш тарзини шакллантириш, аҳолининг, айниқса, ёш авлоднинг жисмоний тарбия ва оммавий спорт билан мунтазам шуғулланиши учун шарт-шароитлар яратиш, спорт мусобақалари орқали ёшларда ўз ирода-си, кучи ва имкониятларига бўлган ишончни мустаҳкамлашга йўналтирилган кенг қўламли ишлар амалга оширилмоқда.

Паркент туманида Наврўз байрами муносабати билан "Ҳоким кубоги" учун ўтказилган мини-футбол мусобақаси ҳам ана шу мақсадга хизмат қилди. Ун кун давом этган турнирда туманда фаолият юритаётган корхона ва ташкилотлар жамоалари қатнашди. Мусобақанинг гуруҳ босқичидан муваффақиятли ўтган энг кучли тўрт жамоа плей-оффда куч синашди.

Турнир ғолиби ва совриндорларига туман ҳокимининг кубоги, дипломи ва эсдалик совғалар топширилди.

Ўз мухбиримиз

БАҲОР ТАҲЛАСИ

Санъат ҳамиша инсонни эзгуликка ундайди, гўзаллик ва нафосатга ошно этади. Айниқса, мусиқа ва санъат мактаблари ўртасидаги ўзаро ҳамкорлик, биргаликда олиб борилаётган савий-ҳаракатлар, маҳорат сабоқларининг бу борада ўрни ва аҳамияти беқиёс.

Санъат

Ўтган йили Бекобод туманидаги 16-сонли Болалар мусиқа ва санъат мактабининг Тоҳиржон Қурбонова ва Феруза Хошимова етакчилигидаги раққоса қизлар гуруҳи Наманган шаҳридаги 11-сонли Болалар мусиқа ва санъат мактабидан ўз истеъдодларини муваффақиятли намоён қилиш келишидан эди.

Яқинда эса мазкур мактабнинг иқтидорли болалари ўз устозлари билан биргаликда Бекобод шаҳрида меҳмон бўлишди. Болалар мусиқа ва санъат мактабидан ўтказилган "Баҳорий гулдаста" деб номланган концерт дастури барчага завқ улашди.

Дастлаб мезбон мактабнинг хореография бўлими раққоса қизлари ихросида "Атиргул" композицияси ҳамда доирачи йиғитлар жўрлигида "Доира рақсга чорлайди" рақси намоён қилинди. Ўшбу рақсларни балетмейстер Тоҳиржон Қурбонова маҳорат билан саҳналаштирган.

Шундан сўнг наманганлик ёш иқтидор соҳиблари ўз маҳоратларини намоён қилишди. Айниқса, улар ихросидаги "Пилла", "Нозанин", "Лезгинка" ва туркча рақслар, Икром Акбаровнинг "Равно", "Ёр кел" сингари қўшиқлари, ёш созанда ва доирачиларнинг чиқиши, жаҳон композиторларининг сара мусиқалари кўпчилигининг олқишига сазовор бўлди.

– Бекободлик санъат шинавандаларининг олдида ёшларимиз ўз иқтидорларини муносиб намоён эта олди, – дейди мезбон жамоа раҳбари Рашид Ёқубов. – Бундай маданий ҳамкорлик ёш иқтидорларнинг шаклланишида муҳим роль ўйнайди, болаларнинг дўстлигини мустаҳкамлайди.

Шу маънода, ҳамкорлигимиз мунтазам давом этади, деган умиддамиз.

Ашуралӣ БОЙМУРОДОВ

ТАБИАТНИНГ ЎЗИ МУСАВВИР

Ўзбекистон Бадий академиясининг Марказий кўргазмалар залида бир гуруҳ ижодкорларнинг рангтавсир, графика ва амалий санъат йўналишида ишланган 300 га яқин сара ижод намуналари тақдим этилган кўргазма намоён қилинмоқда.

Кўргазма

Экспонатларда мамлакатимизнинг бетакдор табияти манзаралари, нафис ва гўзал баҳорнинг турли кўринишлари, йилнинг тўрт фасли, заминимиз неъматлари, ранг-баранг гуллари, ширин-шакар мевалари, миллий қадриятлар, тарихий шаҳарларимизнинг меъморий ёдгорликлари, қадриятларимизни эслатувчи маҳалла турар-жойлари, борлиқнинг фалсафий талқини акс этган.

Кўргазмада рассомларнинг "Баҳор", "Эрта баҳор", "Тоғ манзараси", "Баҳорий илк кун", "Баҳорий ҳовли", "Наврўзи олам келди", "Илк оқшом", "Осойишлик қўриқчиси", "Бойсунда тонг", "Оқшом. Шамолли кун", "Қўл бўйида", "Сўқоқ", "Сўқоқ қишлоғи", "Ҳазалкентда баҳор", "Чорвоқда баҳор" ва бошқа қатор ҳаёт чизгилари акс этган ижод намуналари ўрин олган.

Ҳасан АБДУНАЗАРОВ

АСЛ ИНОЯТЛАР – ГЎЗАЛ ТИЛОВАТЛАР

Қуръон мусобақасининг вилоят босқичи нихоясига етди. У мамлакатимизда ҳар бир фуқаро диний бағрикенглик, виждон эркинлиги тамойилларига амал қилган ҳолда эмин-эркин яшайётганлигини яна бир қарра кўрсатиб берди.

Қуръон мусобақаси

Шу куни мусобақа ташкил этилган Зангиота зиёратгоҳи ҳар қачонгидан ҳам гажув бўлди. Масжид ичида бевожиста, зиёратгоҳ ҳудудида эса ўрнатилган мониторлар орқали мингдан ортиқ ихлосмандлар қизгин беллашувнинг шоҳиди бўлдилар.

Давлатимиз раҳбарининг ташаббуси билан ташкил этилган мазкур тadbир кенг жамоатчилик томонидан қўллаб-қувватланаётганлиги-

ни, одамларда катта қизиқиш уйғотаётганлигини мусобақанинг очилишида сўзга чиққанлар алоҳида таъкидладилар. Муқаддас Қуръон оятларини юртдошларимизга эшитиришда, унинг мазмун ва моҳиятини тушуниришда мазкур тadbирларнинг аҳамияти катта бўлмоқда. Вилоятдаги 220 дан ортиқ жоме масжидларда ибодат қилиш учун барча шарт-шароитлар яратилган. Ҳаж ва Умра сафарларига бо-

раётганлар сони йил сайин ортиб бормоқда.

Бу йил биринчи маротаба ўтказилаётган мусобақанинг саралаш босқичлари Чирчиқ шаҳрида, Бўка ва Зангиота туманларида ташкил қилинди. Унда 320 нафар қори ва қориялар иштирок этишди. Хифз ва тиловат йўналишида энг яхши натижаларга эришган 27 қатнашчи вилоят босқичида иштирок этдилар.

– Ғолибларни аниқлаш ҳакамлар учун осон кечмади, – дейди ўз таассуротлари билан ўртоқлашган кекса имом Яҳё қори Турдиев. – Бири-бирдан гўзал тиловатларни тинглар эканман, мана шундай дориламон кунларга етиб келганимизга шукроналар келтир-

дим. Бу мамлакатимизда амалга оширилаётган кенг қўламли ислохотлар, фуқаролар учун яратиб берилган қўлай имкониятлар ҳосиласидир.

Бекобод шаҳри вакили Аббосхон Обидов, Ўрта Чирчиқ туманидан келган Аслхон Ҳошимов, зангиоталик Файзулло Юнусов, Мухаммадали Сайдалиевлар белгиланган ёш ва йўналишлар бўйича энг юқори натижа кўрсатиб, мусобақанинг мамлакат босқичига йўллангани кўлга киритдилар. Аёллар ўртасидаги мусобақада ғолиб бўлганлар ҳам кейинги босқичда иштирок этадилар.

Тadbир якунида иштирокчилар ҳомийлар томонидан таъ-



сис этилган қимматбаҳо совғалар, ташкилотчиларнинг фaҳрий ёрлиқлари билан тақдирландилар. Ёш иштирокчиларга қўшимча имтиёزلар эълон қилинди.

Ирода МУҲАММАДАЗИЗОВА,
Республика "Маънавият ва маърифат" маркази вилоят бўлими етакчи мутахассиси

ТОШКЕНТ ҲАҚИҚАТИ ТАШКЕНТСКАЯ ПРАВДА Муассис: ТОШКЕНТ ВИЛОЯТИ ҲОКИМЛИГИ Манзилимиз: 100000, Матбуотчилар кўчаси, 32. Электрон почта: thaqiqat@umail.uz Буюртма V-1327. Баҳоси келишигилан нархда Ҳажми – 2 табоқ, офсет усулида босилди, қоғоз бичими А-2. ISSN 2010-9318.	Бош муҳаррир Ғайрат ШЕРАЛИЕВ	Ҳафтанинг чоршанба ва шанба кунлари чиқади. 18 170 нусхада чоп этилди	Қабулхона: Бош муҳаррир ўринбосари: Масъул котиб: Бўлим муҳаррирлари Шартнома ва эълонлар: Ҳисоб-китоб бўлими:	Телефонлар: 233-58-85 (факс) 233-70-10 233-12-83 233-38-23, 233-48-08 233-65-59 233-54-10	Тошкент вилояти Матбуот ва ахборот бошқармасида 2011 йил 12 январда 03-001 рақами билан рўйхатга олинган. Газета "Тошкент ҳақиқати" тахририяти компьютер марказида терилди ва саҳифаланди.	Набатчи муҳаррир Сайёра РИХСИЕВА Назоратчи мусахҳиҳ Кумуш ЭГАМБЕРДИЕВА Саҳифаловчи Тоҳир МАҲМУДУДЖАЕВ
--	---	---	--	--	--	--